

Biyografeye do dessineu

Come gaztî et dessineu

José Schoovaerts a vnou å monde li 15 di djulete 1936 a Åjhô.

E 1944-1945, a l' sicole, i pârtit s' banc avou Lambil li ci ki, pus tård, va dessiner « *Les Tuniques Bleues* ».

E 1950, il est pûni po l' prumî cônpo-z awè tchanté e walon.

E 1954, il a ses dessins dissu l' actouwalité et l' politike dins « *Le face à main* ». Si est i finalisse å « *Premier Championnat de Belgique* » di djudo.

A pârti di 1955, i va aler copiner, po des respondas, avou sacwants ptits tchanteus ki s' enondnut : Jacques Brel, Georges Brassens, Clay. Ses dessins pasnut dins « *La dernière heure* », « *Humour Magazine* », « *La Libre Belgique* », « *Le Patriote Illustré* », « *Le Pourquoi Pas* », « *Risque-Tout* », « *Le Soir* », « *Le Soir Illustré* », « *Le Temps de Paris* », evnd. On ls eplaide ossu foû del Beldjike.

E 1956, c' est les prumirès espôzuctions a Brussele (å Philips) et a Paris (e *Salon de l' Art Libre*).

E 1957, i rascod on diplome di gaztî.

E 1958, a Paris, il est metou å « *Tableau d' Honneur des Dessinateurs Humoristes* » pa « *La Canebiere-Humour Magazine* ». Il est admetou dins l' soce « *La mine souriante* » da Marcel Antoine.

E 1958, i dessene li prumire coviete tote e coleurs po Brepols.

Di 1958 a 1960, il espôze dins tote li France avou « *Humour centre* » di Limoges.

E 1958 et 1959, i boute tos les moes po l' BRT, î fé passer on fime d' imâdjes da sinne et minme î dessiner e direk.

E 1960, i scrît l' istwere da Louis Armstrong. Elle est publiyeye pa « *Romance* » et riprinjhe pa « *Zondag Morgen* » e 1962.

Ses arindjmints – so l' no d' pene di José-Charles Ghislain - di sacwants romans « classikes » si rtrovnut dins « *L'Est Républicain* », « *La Dernière Heure* » eyet « *Le Soir Illustré* ».

E 1961, i mete dissu pî deus sociétés avou Franquin, Morris, Peyo, Roba, Tillieux et Will. Ene di zeles, c' est « *Agence Littéraire* » et l' ôte li « Måjhon d' edicion ».

E 1963, il est prins come mimbe di l' « *Association Royale des Artistes Professionnels de Belgique* ». Li minme anêye, il est admetou come gaztî pa l' « *Organisation Mondiale de la Presse Périodique* ». L' « *Association des Journalistes Belges et Etrangers* » el va shure.

E 1969, il arindje et imprimer « *Rantanplan* ».

Pu candjî d' mestî e 1970.

Come waloneu

E 1995 : il edåme l' ilustraedje do roman e walon « *So l' anuti* » da Lorint Hendschel.

Di 1995 a 1999 : I shût les cénk anêyes del sicole di walon des Relîs Namurwès.

Di 2000 a 2003 : I shût les cours di walon dinés pa Lorint Hendschel a l' UCL a Ocgniye (Noû Lovén).

E 2000, il enonde li prumire gazete éndjolike e walon, k' i lome RABULèts.

Di 2003 a 2005, il a dessiné les covites del Rantoele gazete et adjinçner di cisse gazete e walon la.

E 2006, e moes d' djulete 2006, il a renondé RABULèTS. I l' edåma pa ene novele binde d' imådjes ("Et l' niût s' a stindou") k' on-z ï pout, avou ene miete di boune volté, ricnoxhe å ddins ene pougneye di djins del Walonreye d' adon. E moes d' setimbe, gn ava ene shûte lomêye "L' Avesprêye tcheyowe, i fwait tot noer".

Fén 2006, i toirtcheye deus bindes d' imådjes so des tecses da Nietzsche, "El novele idole" eyet "Li moirt k' est volontaire". Il askepeye eto ene rimouwante pitite sucete a l' après d' Choderlos d' Laclos "Tchåderlote". Dizo l' tite "Riskeus aloyaedjes", ele parexha, e coleurs, dins l' Rantoele 42. Pol Rantoele 44, i s' atake å ratournaedje e BD do live "Li Prince" da Machiavel.

E 2007, i s'a plonké dins on ovraedje di tos les diales : fé bodjî les imådjes di Noersipene ! Djanvî a fini k' il aveut "dedja" metou 54 moyalès sgondes dins l' boesse. Cwand on sondje k'i fåt 24 imådjes po ene sigonde di fime, on s' rind conte ki ça dmande do tins po divni Walt Disney. Todi èst-i, k' may fini, il aveut emantchî 20 munutes (e coleurs !) et dedja sayî d' ï djonde ène bele muzike... A l' fén d' 2007, i n' èstéve nén co foû del bouye tapêye dissu s' tauve. Mins, e moes d' djulete 2008, vola li mirâke] ki s' enonde avou les prumires et co xhaltantès sayes.

Todi e 2007, il a rprins l' gorea come mwaisse dessineu del Rantoele-gazete, adjinçnêye adon pa Lucyin Mahin. I gâyote, dispu don, tos les limeros avou ene covite la k' a gn a ene andoûlante kimere, et on cok. Et toirtchî cwate pådjes divintrinnes di BD e coleurs. I scrît des årtikes so les oteurs k' i translate e walon.

Et vo n' la-t i nén k' il a edâmé 2008 avou on ratournaedje e BD d' on tecse da Max Stirner. Et l' fini avou l' translataedje di tot l' "Tao tô king" da Lao-Tseu et minme è mète ène fèle pougnîye dès "tuzaedjes" è imaedjes.

A l' edåme di 2009, c' est a Shakbar k' i s' a-st ataké et, å prétins, a Descartes.

Ci-après : BD illustrant le dernier chapitre du livre



Vera : rawete 1° 2

Vera : bonus n° 2



Vera : rawete 1° 2

Vera : bonus n° 2





Vera : rawete 1° 2

Vera : bonus n° 2



Vera : rawete 1° 2

Vera : bonus n° 2



Vera : rawete 1° 2

Vera : bonus n° 2





Vera : rawete 1° 2

Vera : bonus n° 2



